



Izinto Ezidingekayo

Story Power - Walethe ekhaya amandla endaba

Ukufunda nokuxoxa izindaba nezingane ophila nazo kungesinye sezipho ezinamandla kakhulu ongazinika lezo zingane. Izindaba esizizwayo futhi esizifundayo siseyizingane zisiza ekusibumbeni. Kodwa futhi kukhona ezinye izinzuzo eziningi zokwabelana ngezindaba nezingane.

IZINZUZO EZIBALULEKILE EZIYI-15 ZEZINDABA

1. Ukwabelana ngezindaba kususisa ukuthi sikwazi ukuxhumana nezingane zethu. Kuzenza zazi ukuthi sicabanga ukuthi zibaluleke kakhulu kangokuthi sichitha isikhathi sokuxoxa nokufunda izindaba nazo.
2. Izindaba zisiza izingane ukuthi kuthuthuke kuzo ukwakha imifanekiso yomqondo nokuziqambela izinto.
3. Izindaba zisiza ukuthuthukisa ulimi lwezingane kanye nalokho ezikucabangayo ikakhulukazi uma zizizwa futhi zizifunda ngolimi lwazo lwasekhaya.
4. Izindaba zihlinzeka izingane ngezibonelo zokuthi abantu bahlangabezana kanjani nezingqinamba ababhekana nazo.



SIXOXELE INDABA YAKHO

Ngabe incwadi nezindaba ziyibumbe kanjani impilo yakho neyizingane zakho? Ngabe zikusizile ukuthi uchaze isimo esilukhuni enganeni yakho? Noma ngabe ukuthola incwadi izingane zakho eziyithandayo kukhuthaze izingane zakho ukuthi zifunde, futhi kwazisiza ukuthi zithuthuke ekufundeni kwazo esikoleni? Sitshele ku-Facebook (www.facebook.com/nalibaliSA), noma ku-Twitter (www.twitter.com/nalibaliSA) usebenzisa u-hashtag #StoryPower, futhi kungenzeka sishicilele ukuthi izindaba zibe namthelela muni empilweni yakho esithasiselweni sokufundela ukuzithokozisa sakwaNal'ibali noma kusizindalwazi sethu.



T: +27 (21) 448 6000

E: info@nalibali.org

www.nalibali.org

www.nalibali.mobi

[f nalibaliSA](https://www.facebook.com/nalibaliSA)

[@nalibaliSA](https://twitter.com/nalibaliSA)

[@nalibaliSA](https://www.instagram.com/nalibaliSA)



5. Izingane ezithokozela ukufundelwa ekhaya, zisemathubeni amaningi okuthi nazo zikhuthazeke ukuthi zibe ngabafundi. Uma izingane zikhuthazekile, zifunda kalula kakhulu.
6. Lapho izingane sezineminyaka emibili, zisuke sezifunde ama-75% alokho ezizokufunda impilo yazo yonke. Ngakho, noma ngabe umntwana wakho uluma incwadi, noma ingane yakho ekhasayo ifuna ukuthi uyixoxele indaba eyodwa, ude uyiphinda, uma ufunda noma uxoxa izindaba, izingane zakho zizuzwa ulwazi olubalulekile ngolimi kanye nezindaba, eziyosizakala ngakho esikhathini esizayo.
7. Ukufunda kakhulu nezingane kwaziwa njengomsebenzi owodwa obaluleke kakhulu ekwakheni ulwazi namakhono eziyogcina ziwadinga ukuze zifunde ukufunda okubhaliwe.
8. Ukufundela izingane zakho imizuzu eyi-15 nje kuphela ngosuku ngalunye kungazivulela ekwazini amagama abhaliwe ayisigidi ngonyaka!
9. Ukuxoxa izindaba kanye nokufunda kungavulela izingane ohlotsheni olukhethekile lolimi olunothile futhi olunzulu. Kujulisa ulwazi lwazo lolimi kanye nendlela esilusebenzisa ngayo, futhi kuzikhombisa izindlela ezintsha zokuzwakalisa imizwa yazo.



10. Ucwango lukhombisa ukuthi izingane ezifundelwayo ekhaya ngaphambi kokuqala ukufunda zinamathuba amaningi okuphumelela esikoleni.

11. Izingane zinamathuba amaningi okuqhubeka zibe ngabafundi emakhaya lapho kwaziswa khona izincwadi nokufunda.
12. Izingane ezizwa izindaba, okungaba yizindaba ezixoxwayo noma ezifundwayo, yizona ezihamba phambili ekuthuthukeni komqondo obamba okujulile ezifundweni ezahlukene esikoleni. Ngamanye amazwi, ukulalela izindaba kukwenza ukhaliphe!
13. Izingane ezifunda kakhulu esikhundleni sokubuka umabonakude, zikwazi ukunamathela isikhathi eside entweni ezibhekene nayo.
14. Izingane zabazali kanye nabanakekela izingane abakholelwa ekutheni ukufunda yinto oyenzela ukuzithokozisa, zizocabanga ngokwakhayo ngokufunda kunalezo zabazali abacabanga ngokufunda njengelinye lamakhono nje.
15. Uma izindaba kanye nokufunda kuzwakala kuyinto enhle ezinganeni, ziba ngabafundi abahle bokubhaliwe. Sonke siyaziphinda izinto ezimnandi.

SABC
EDUCATION



T: +27 (21) 448 6000

E: info@nalibali.org

www.nalibali.org

www.nalibali.mobi

[nalibaliSA](https://www.facebook.com/nalibaliSA)

[@nalibaliSA](https://www.instagram.com/nalibaliSA)

[@nalibaliSA](https://www.instagram.com/nalibaliSA)

